

義烏縣志

卷 卷 卷
六 五 四

崇禎義烏縣志

一函六冊

著者：（明）熊人霖

影印：義烏市志編輯部

地址：稠城鎮康園路30號

郵編：322000

印制：杭州蕭山古籍印務有限公司

二〇〇四年十月第一次印刷

工本費：三〇〇〇圓

主持：吳潮海
承辦：傅健

準印證號：浙內圖準字（2001）第170號

義烏縣志卷之四

經制考

公署

古者規方百里以為侯服分職帥屬各有寧宇以宣
序民事故雅稱營謝風咏定中春秋營繕必書誠重
之也

國初建天下郡縣令長貳朝夕聽政有審署監臨者以
事至有行署使節來有賓署下之至於諸曹掾郵亭
完庫司局之類靡不星羅而碁置亦唯是使之控轄

一方以臨長百姓繁簡相錯大小相維所以辨等威
明統體敷政教也故頽則飭之極敝則新之廢則舉
之昭前之光明而奕世相保以無逢其災害廼稱治
哉我烏公解舊視他邑為完整雖屢更變而改作閎
厥恒倍其初蓋民之好義樂輸而上之休養深仁亦
畧可覩矣志公署

縣治

縣址在城中正北宋大觀四年知縣徐秉哲建宣和
四年知縣來移治重建南渡後知縣黃表葉蕃張康

徐正卿呂浦趙必升皆嘗一新之元至正十四年知

縣蕭王重建

舊有三槐堂凡四易其名曰明虛曰愷悌曰清心曰公明

皇慶元年

燬二年達魯花赤黑漢又撤而新之且廓其址而大

其規焉

邑人朱叔麟記云義烏婺壯縣郡繩馭之雖有健長吏喜立事無所見奇皇慶元年夏四

月達魯花赤黑漢始至鉏姦鍵豪折摧譁鋒立刺滯
獎吏束澁不敢舞縣大治意挾縣治撤宏之會屋燬
延縣門侯適奉檄歸召鄉之有餘力者諭使改作衆
靡然從無色忤彙財凡工舍符風行開機砥礫迺抗
新基重樓麗譙吏舍有翼徙舊廳治之北右擅湖光
左帶江流輦甃聿飛黼櫺傑屹百度嵯然如其官書
曰某年某月日某官建同到不與焉部使者董公行
縣材其為嘉稱之邑俗故鐵齋無大俠雄易制先是
狎交縣要官陰持短長傲不可役屬侯之言曰與其
剗其膏以潤吾素執若以吾之不欲而致潤乎茲字

夫不動于官不駭于細民苟利公家則為之而民猶
惑乎其大也是何足以識侯之心哉彼固陋是安視
官府之不競一楹之煥一櫟之飾尚憚為將以俟後
之人由今視昔何如嗚呼意者令之原也身者政之
率也宰一邑者天下之則也向使志於得不矯其故
怵於利不規其患以此使民而豈有不悱然非之而
斯今頓首受事驚奔恐後若子之趨父事東驟操馳
靡有不共非達於為政者孰能之異時坐廟堂統百
官訂謨庶政授任群材亦若茲宇之堵畫而底于績
也春秋大營繙必書作易之車口車而當蓋土木之
功莫大于作作莫難于改善治民者使之而不知勞
之而不怨斯其近於易春秋之義乎雖然此傳舍也
閱人多矣人之居是官去之日與侯始至之心不少
貶者蓋鮮侯賢乎哉是役也經始于是一月迄
明年三月主簿察罕不花抵其成典史趙英傑張國
祥趙綜營之邑人伐石紀勒以赫無窮之聞余為記
擊之以詩曰邑豪昔剽官涎益饒勢朽隳移孰執孰
利侯車戾止晝是廉則銖私室墜篋賂錮隙爰度攸

宇百里其瞻昔庠今崇翼翼嚴嚴民曰廣哉于後勿
棘仁歌被絃以燕侯德纓之舟之繡濱云云豐岷紀
成用侈厥勤皇
慶二年三月記 至正十一年達魯花赤亦璘真重修

至正十四年冬土寇竊發復皆燬焉
其東舊有不欺堂前有勅書樓

宣詔頒春二亭後有臨國朝初重建譙樓
明遠曰洪武

二年知縣張永誠始遵定制充拓舊基重建
邑人王

今天子既正大統務以禮制匡飭天下乃頒法式命
凡郡縣公廨其前為聽政之所如故自長貳下逮吏
胥即其後及兩傍列屋以居同門出入其外則繚以
周垣使之廉貪相察勤惰相規政體於是而立焉部
縣奉承惟謹義烏隸婺為上縣南昌張君為令三年
于茲威惠並行民吏悅服先是縣廨悉燬于兵惟譙
樓僅存今治所雖有屋而庫逼弗稱君方圖作新之
而命適下既而官給其直乃益以興造為已任俾

民隨力之高下市材鳩工擇日以起事民咸樂趨之
其中為視事之廳廳之後為燕處之堂廳之前為儀
門其左右為步廊堂之後為令所居丞簿之居各以
序為而廊之兩旁為郡吏之舍又其東為部使者分
司之署西則驛傳之舍在焉總為屋若干區以間計
者一百五十有五舊基不足則取民地相並者益之
而割他地之隸官者償其民規制完矣一如法式經
始於洪武二年六月己巳閱五月而落其成蓋由張
君使民有道故興是鉅役而民不以為勞於是縣之
士友以書告余曰子縣人也願記之按縣志義烏自
漢以來為烏傷至唐武德四年以縣立綱州又置華
川縣七年州廢省華川入烏傷而更今名華川故址
在縣南三十里則縣治之在今所舊矣然自縣之為
義烏距今七百餘年為令者不知幾人而張君至是
欽承上命乃始斥而大之雖君之材足以有為豈
因仍更革之際固係於時歟昔南豐曾鞏氏有云
縣之得能令為難幸而得能令而興事尤難今義烏
得張君為令既幸得其所難得而張君又能因時以

成其尤難者是誠不可以不記雖然事就矣苟非後
之人相與保守之烏能以不廢乎夫欲使後人保守
而不廢必託於文字乃可以永久而予不勝之文不
足以傳也姑書其興造之歲月而著其成烏君名允
誠嘗為大都督府斷事官知事以選來為令治行為
諸縣最其善政甚多以不係興造茲不贅贊是後者
主簿陳君著也三
年春二月甲子記 歲久廢弛惟廳明猶存正統間知

縣劉同縣丞劉傑相繼蒞事重建後堂
扁曰穿堂譙居敢

樓六房左右書房喜雨亭暨各官居舍
邑人朱肇記云古者令為

縣縣有廳所以定民上下之分而一其觀聽也蓋烏
為金華壯縣欲有為非學識弗稱廬陵劉公伯詢湖
廣贊政習之先生之子武進丞嘉會先生之孫由正
統己未進士來令義烏至之日吏抱成案請操決請
署或進曰縣之廳苟為支柱可乎公曰政不在茲而
在吾職之所當先者奉勤為念君德未宣思所宣之

民情未達思所達之是故學較在吾所當興必先興之賦役在吾所當均必先均之戶口田野在吾所當增當闢必先增之關之盜賊詞訟在吾所當息當簡必先息之簡之然後可及其餘或者退日吏濡筆署事惟謹名分定視聽一越明年癸亥歲首人順時和瑞椿生於戒石之亭再三年丙寅五月四日虎登子渡河之南而避又四年己巳春繡湖出靈龜吏民父老捧而獻之令祝曰六事舉我民安令之德也三瑞疊出令之福也福德令之賜吾民者也力役民之報吾令者也令不自專論於丞丞曰可詢于簿簿曰可又下而贊邑者亦從而曰可龜正八鄉大家輸財効力工人薦技巧者又以廳軒前後兩棟其間簷並溜合湓廢則梁棟壞非久遠計刻其上合而為一總其瓦墁其下分棟如舊寬廣不易雄壯藻麗現昔則有加幕庫廨舍煥然一新爰自繕工于景泰庚午六月甲申落成於九月甲子邑之人士賈石請肇作記肇曰公之興壞起廢可稱述者非一廳為首始為答或問未可為也終焉諾吏民父老可為也未可為而為

急也可為而不為緩也未可為則非為可為則為緩
急得宜稱也推而上之至於臨大事決大議亦不外
以非學識而何若夫縣治沿革廳宇廨舍制度法式
創而改廢而興先達宋知浮梁州事朱公叔麟國
朝王忠文公禕備詳之矣予獨以公之重於勤民財
用足力役舉舉之易成之亟詩云庶民攻之不日成
之朱子謂其言之善者可以感發人之善心於此可
見謹書刻石以俟後之君子興壞起廢者有所取法
焉佐其事者丞沅陵賈君仲舉簿成化十五年知縣
銅梁聶君仕傑史定遠王君儀也

趙溥重修嘉靖十五年知縣胡櫟重建儀門十一年

重建譙樓

邑人金江記云義烏縣署之前舊有門樓

請辛卯會燬於災長洲胡公蒞茲三月而政成乃未
廢而新焉爰始謀築之臺崇尋有六尺樓準臺之崇
東西之廣八尋南北之修半之樓為間者五視舊加
其二而臺則舊之所未有也勞不及民費不勤官經

始於壬辰十一月朔日訖工於癸巳十月望日雄壯
宏麗山川增輝士民或有未知其興作者聞而聚觀
舉相顧喁愕恍然以為地之甥躍奮迅而出也公以
予縣人屬記其成予辭弗獲按禮諸侯之制有臯應
路門天子之門加庫雉焉古者立國必先為門春秋
於僖公書新作南門於定公書作雉門聖人特筆示
魯僭也文王遷豈詩人述而歌之其辭曰作豐伊匹
釋者匹言其稱也義烏為婺壯縣提封之廣編戶之
衆殆與古子男之國相峙埒則有門樓非僭也亦稱
焉耳胡公得所為而為之乃稱所以為縣者矣斯役
之成豈徒準時制備職守而已庶於政乎有裨若乃
退思有樓土神有祠儲粟有倉繫囚有獄徒役胥史
吏息有舍前為儀門旁為官廨築二亭於門樓之外
左曰申明右曰旌善圮者完隘者濶遺者舉為屋以
楹數凡若干則又不可以殫記二十一年知縣梅凌
者因併書之胡公名標是為記

雲重建穿堂

扁曰靖共

萬曆十八年夏六月燬於火公廨

無復存者知縣金繼震倡義民捐助於是邑之虞吳
龔三姓力任完繕儀門中廳兩楹及川堂一帶而齊
民各以次醵金襄事擇耆老黃承泗等十三人董之

經始於庚寅仲秋迄辛卯季春望日工竣規制視昔

倍壯麗焉

知縣周士英續記云今

天子踐祚之

其明年縣治災拮据土木日就就弗恬即於次又明年上計於朝尋擢典南禮余以壬辰之十月代君乘傳至縣步自闔門觀公廨昇新厥構極為瑰壯以問左右左右對曰是金侯之為也先是歲庚寅六月邑人不戒於融風夕驟燔環市宅千屋立盡倏延治宇火烈烈莫可救侯身自扞擲之仰而歎曰天乎而奚降之災以難我也邪我固非吾有也寧災吾身而母貽厲公室然火竟至侯身子立處所而滅獨衙舍

巋然存而已災之明日稍稍經紀工事費且不貲而
括公帑之羨僅六百金不足以繕興作議者謂侯檄
二三父老號之於衆宜必有應者公又頌而答曰民
乎吾不能書焚室與之材而更欲腋之資斧以佐災
乎民誰與我於是邑之縉紳先生有虞君龔君若
而人群而弔於庭曰不腆故廨湫隘庳陋意者天降
回祿而令乎卑於已日與我敝邑用不敢保聚以聽
征繕博士家弟子群而語於庠曰孰使我優游而絃
誦者非侯乎侯即不能無旦夕勤民請得以身備綱
紀之役里巷長老群而謀於野曰吾儕小人皆有室
廬以辟燥濕寒暑而侯今昕夕張蓋露處衆謂侯可
其悉率諸胥以共鳩我公室乃所以報也侯聞之同
謝不獲已卒聽博士先生主其計士民以差上計而
百之而什之而伍之而參之最下者二之蓋旬日而
累數百金更又旬日而累千金主計者以報侯曰其
亟罷之以若數而益之公帑之羨足吾事矣乃還庀
役即工採植於星虛奠材於日至於是為之率耆若
虞茂徽虞良木吳彥清龔明道等聚族而常肯嚙之

任不煩里旅而諸耆老咸協力襄事丁丁數月而告落成中為正廳凡三間名為振新堂志重朔也左為幕廳右為耳房庫為架閣庫五際留倉各三間兩廡列曹吏為廡一有六西南為獄禁繚以垣砌為房二十有五前為露臺覆以屋又前為箴石亭亭前為儀門五間門之右為寅賓館左為土地祠凡三間又左折而入為預備倉房二十三間前為縣之大門上設鼓樓五間東西為申明旌善一亭正廳後為川堂又後為後堂凡三間堂之東為承衙稍前為尉衙西為捕衙而庭除庖室荷垣之類且加葺如舊初望氣者以北隅有刑德數召災乃又於是斥其羨剏大觀樓三間環內衙之後左既設忠賢祠以崇先正而於右特建玄武廟玄武水象也水以火從所為尅故神之於北之墟焉凡宇廡以間計者一百七十有二肩墻以丈計者二百有十公私繙以兩計者一千九百有奇詳著在年紀中周士英二余觀於是役蓋竊嘆金君之不易云古言非常之石騰黎民所惧故以禹之聖焉而招瓦礫以起之賢焉

慮始類如以當金君之始為之役也初非常之舉而民固信焉而不吾駭前者呂君後者喝喝爭湧躍成之唯恐後其上規下隨之署不足觀矣居久之或肆南箕之舌以齟齬一二胥役上覈焉獲顛末乃於是罪訐者君子是以益嘆金君之不易也是役也鄉紳則虞德燁龔一清陳守亮替其議巨室則華溪之虞大園之吳松門之龔肩其重義民則黃承文方升九王芳毛伯暹金李之屬勸其資耆老則黃承泗陳惟誠龔希奭金桂李無疆陳思善王思聖黃惟壽葉思敬楊一湘毛如麟馮仲賢董其役佐理則幕職曾大賓効其勞出納則司訓王澹俞寵藉其數例並得書金君名繼震別號戴槐世於不起家丙戌進士與余同舉於鄉余承其後私竊微入厦之覆且不宜使是役之沒沒不傳也故具述其始令後得以觀感焉

正廳參間

扁曰振新堂旁兩間虞氏助建知縣熊人霖改故事堂

戒石亭一座

穿堂參間

扁曰有孚庭龔氏助建

後堂參間

扁曰精誠軒

幕廳參間

在正廳之東

耳房庫參間

在正廳之西

架閣庫參間

在穿堂之西

東廊拾間

吏戶糧禮承發房

西廊陸間

兵刑工房

獄房貳拾伍間

在西廊之西

儀門伍間

吳氏助造

土地祠參間

在儀門外之東王芳義連

寅賓館參間

在儀門之西

譙樓伍間

知縣衙

在後堂之後正廳參間寢室三間西廂房參間東廂房參間庖室三間後樓三間又大觀樓參間左側屋三間右側屋一間為

玄君祠又稍前一披架為土地祠

縣丞衙

在知縣衙之左正堂三間寢室三間東西廂房拾間

主簿衙

在知縣衙之右正堂三間寢室三間東西廂房四間門屋伍間